

Ba bangwe gape ba ofisi go ikgolaganya
nabo ba ka bonwa go:

Webosaete: www.nda.org.za

Facebook: NDA Adopt an ECD Campaign-RSA

Twitter: @nda_rsa

Instagram: nda_rsa



NDA

National
Development
Agency

**SEKWALWA SA
TSHEDIMOSETSO
YA MANANEO
A NDA**



RE BOMANG?

Setheo sa Tlhabololo sa Bosetšhaba (National Development Agency) (NDA) ke setheo sa puso se rweleng maikarabelo a go nna le seabe mo go fediseng botlhoki le dilo tse di bo bakang mo Aforika Borwa.

MORERO WA RONA

Morero wa rona wa motheo ke go nna le seabe mo go fediseng botlhoki le tse di bo bakang ka go abela mekgatlo ya baagi (diCSO) matlole go:

- Tsenya tirisong diporojeke tsa tlhabololo mo mafelong a a tlhokang
- Matlafatsa mothamo wa ditheo tsa diCSO tse di tlamelang ka ditirelo kwa mafelong a a tlhokang

Morero wa rona wa bobedi ke go:

- Rotloetsa ditherisano, dipuisano le go abelana maitemogelo a tlhabololo magareng ga diCSO le ditheo tse di maleba tsa puso.
- Rotloetsa dipuisano ka ga pholisibosetšhaba ya tlhabololo.
- Dira ditlhotlhomiso le phasalatso tse maikaelelo a tsona e leng go tlamela ka motheo wa pholisi ya tlhabololo.

THOMO

Go diragatsa tlhabololo e e tswelolang ka go matlafatsa mekgatlo ya baagi e e nang le seabe mo go fediseng botlhoki ka popo ya mothamo e e tswelolang ka kabo ya matlole le ditlhotlhomiso.

PONELOPELE

Setšhaba se se senang botlhoki.

RE DIRA ENG?

NDA e matlafatsa methamo ya mekgatlo ya baagi e e dirang le mafelo a a tlhokang go nyalana le morero wa yona wa motheo le wa bobedi. Se se tswela mosola baagi ba ba tlhokang ba ba ikaegileng ka diCSO go thusa go itlhaganedisa tlhabololo le thebolo ya ditirelo ka go tsenya tirisong ditogamaano le mananeo a go samagana le botlhoki a a tokafatsang matshelo a baagi ba ba boelwang.

LENANEO LA TLHABOLOLO YA MEKGATLO YA BAAGI

Lenaneo la Tlhabololo ya diCSO ke lenaneokakaretso la NDA le ka lona Setheo se, se dirang ka natla go matlafatsa mothamo wa mekgatlo ya baagi (diCSO) go tlamela ditirelo ka nonofo le ka tshwanelo go baagi ba ba tlhokang ba mafelo a di a direlang. Setheo se se dumela gore diCSO ke didiri tsa tlhabololo tse di nang le seabe mo tlhabololong ya ikonomi, loago le temokerasi go fitlhelela maitlhomiso a a tlhakanetsweng a go fedisa botlhoki le go tokafatsa matshelo a batho ba ba boelwang. Ka jalo, NDA e dira jaaka motlhodi wa go dirisa maitenko a diCSO ka Lenaneo la yona la Tlhabololo ya diCSO le le tsepameng mo ditsereganyong tse nne tse di latelang:



social development

Department:
Social Development
REPUBLIC OF SOUTH AFRICA



sassa
SOUTH AFRICAN SOCIAL SECURITY AGENCY

KANTORO YA BOSETSHABA

Mogala: (011) 018 5500
Imeile: info@nda.org.za
26 Wellington Road
Parktown
Johannesburg
2193

KANTORO YA POROFENSE YA GAUTENG

Mogala: 011 492 1494
Imeile: gautengprovince@nda.org.za
Metropolitan Building, 2nd Floor
108 Fox Street
Johannesburg
2001

KANTORO YA POROFENSE YA LIMPOPO

Mogala: 015 291 2492
Imeile: limpopoprovince@nda.org.za
66A Market Street
Polokwane
0700

KANTORO YA POROFENSE YA KAPA BOTLHABA

Mogala: 043 721 1226/7
Imeile: ecprovince@nda.org.za
Vincendon Office Park
8 Donald Road
Vincent
East London
5201

KANTORO YA POROFENSE YA FOREISETATA

Mogala: 051 430 2024
Imeile: freestateprovince@nda.org.za
Allied House, 3rd floor
Cnr Charlotte Maxeke &
Burger Street West
Bloemfontein
9300

KANTORO YA POROFENSE YA KAPA BOPHIRIMA

Mogala: 021 422 5175
Imeile: westerncapeprovince@nda.org.za
The Chambers Building, 2nd Floor
50 Keerom Street
Cape Town
8001

KANTORO YA POROFENSE YA KWAZULU-NATAL

Mogala: 031 305 5542
Imeile: kznprovince@nda.org.za
9th Floor, Corporate Place Building
9 Dorothy Nyembe Street
DURBAN
4001

KANTORO YA POROFENSE YA BOKONE BOPHIRIMA

Mogala: 018 392 6892
Imeile: northwestprovince@nda.org.za
4059 Joule Street
Mafikeng
2749

KANTORO YA POROFENSE YA MPUMALANGA

Mogala: 013 755 1478 / 013 755 3777
Imeile: mpumalangaprovince@nda.org.za
Ground Floor, Biwater Building
16 Branders Street
Nelspruit
1200

KANTORO YA POROFENSE YA KAPA BOKONE

Mogala: (053) 831 4828
Imeile: northerncapeprovince@nda.org.za
13 Dalham Street
Kimberley
8301

1. Ditsamaiso tsa Tlhomamiso ya diCSO


Ka letlhomeso la tlhabololo ya diCSO la NDA, NDA e tsamaisa le go tshegetsa tsamaiso ya tlhomamiso ya diCSO go netefatsa gore ditheo tse di leng teng ka dipopego tse di farologaneng di ka thusiwa le go tlhomamisiwa.

Ka fa tlase ga pilara e, NDA e thusa mekgatlo go:

- Ithulaganya go nna ditheo tse di tlhomameng kgotsa ditheo tse di diragatsang maitlomo a di ikaelelang go a fitlhelela;
- Kokoanya tshedimisetso yotlhe e di e tlhokang go kwadisa setheo jaaka mekgatlo e e tlhomameng e e jaaka Mekgatlo e e sa Direng Morokotso (Non-Profit Organisation) (NPO) kgotsa Dikoporasi;

- Tlatsa diforomo tsa kwadiso go kwadisa jaaka NPO kgotsa Dikoporasi;
- Isa diforomo go bothati bofe fela ba kwadiso tse di ikaelang go kwadisa ka fa tlase ga bona (Bokaedi ba diNPO ba Lefapha la Tlhabololo ya Loago kgotsa Khomišene ya Ditlamo le Dithoto tsa Ditshwanelo tsa Semolao);
- Sekaseka ditlhoko tsa tsona sentle go netefatsa gore fa di sena go kwadisiwa di tswelela go ikobela molao wa kwadiso o di kwadisitsweng ka fa tlase ga ona.

Setshwano sa Tlhabololo sa CSO



2. Popo ya Mothamo wa Ditheo wa diCSO

Tsereganyo ya matlafatso ya ditheo ya diCSO e ikaelela go bopa le go tsenya tirisong bokgoni ba mekgatlo ba diCSO go tsibogela ditlhoko tsa mananeo a tsona le go ikobela ditlhokego tsa kwadiso le ditlhokego tsa pegelo go baborogi. Lenaneo le, le tsepame mo go matlafatseng mothamo wa ditheo wa diCSO go netefatsa gore bokgoni ba tsona ba go laola mekgatlo le mananeo a tsona ka nonofo bo a tselediwa. Mokgwatsamaiso o o dirisiwang go bopa methamo ya mekgatlo ke:

Katiso

NDA e tlamela ka dithuto tse di kwadisitsweng le tse di sa kwadiswang tsa:

- Palotlotlo ya motheo le Tsamaiso ya Matlole
- Taolo ya Kgotlang
- Tsamaiso ya Diporojeke
- Bobusi
- Tiriso ya Metswedithuso
- Go ikobela ditlhokego tsa kwadiso
- Tiragatso ya Tlhabololo ya Baagi
- Kgokagano le Dikamano tsa kwa Ntle

Thuto

NDA e tlamela le go diragatsa dipaka tsa thuto go diCSO go tshegetsa le go matlafatsa maiteko a tsona a ditiragalo tsa taolo ya mekgatlo. Dipaka tsa thuto di tlamelwa mo teng ga tikologo ya tiro.

Go bipa

NDA e dira le diCSO tse di kwadisitsweng le ditheo tse dingwe mo mafelong a

selegae go tlhoma ditikwatikwe tsa go bipa. Ditikwatikwe tse di thusa mekgatlo e e tlhokang go ithuta le go tokafatsa tsamaiso le ditiragatso tsa tsona. Maele le dikao tse di diregang di tlamelwa go matlafatsa taolo, ditsamaiso le ditiragatso tsa mekgatlo e.

3. Tlamelo ka Matlole le Tiriso ya Metswedithuso ya diCSO

Tlamelo ka matlole e rebolelwa diCSO tse di nang le seabe mo go tokafatseng boleng jwa botshelo mo setšhabeng ka mananeo le diporojeke tse di thusang batlhoki. Metswedithuso ya madi le e e seng ya madi e a tlaolwa le go bolodiwa gore e tshegetse diNPO le diCSO. Ditiro tse di tlamela gape le ka thuso tebang le go begiwa ga diCSO go ditheo tse dingwe tsa puso le tsa poraefete, gammogo le baborogi ba selegae le ba boditšhaba go bona tshegetso ya tlaletso.

Ka fa tlase ga pilara e, NDA e tlamela ka ditirelo tse di latelang go diCSO:

- Tshekatseko ya ditlhokego tsa matlole tsa diCSO
- Go kwala ditshitshinyo tsa matlole, le go samagana le dikopano tsa sebele
- Go tthagisa melaetsa ya bothokwa go ba e ka nnang baborogi
- Tlamelo ka matlole go diCSO a mananeo a tlhabololo le diporojeke tse di dirang mo mafelong a a tlhokang

- Go tlhoma maano a tiriso ya metswedithuso a maikaelelo a ona e leng go netefatsa tswelelo ya mekgatlo
- Go rala, go tsenya tirisong le go ela tlhoko ditiragalo tsa tiriso ya metswedithuso.

4. Kgokagano ya diCSO gore di tsepame

CSO e e tsepameng ke yona e ka tswelelang go diragatsa thomo ya yona mme ka go dira jalo, e tla fitlhelela ditlhoko tsa bothokwa tsa bannaleseabe ba yona – segolo baboelwa le batshegetsi. Ka jalo, tsepamo e tshwanetse go bonwa e le tsamaiso e e tswelelang, e seng bokhutlo ka boyona. Ke tiragatso e e akaretsang nyalano ya dintlha tse di farologaneng tsa togamaano, mekgatlo, mananeo, loago le matlole.

Ka fa tlase ga pilara e, NDA e tlamela ka ditirelo tse di latelang go diCSO:

- Tshekatsheko ya ditlhoko tsa dikgokagano tsa ditšhono tsa tsepamo
- Go lemoga ditšhono tsa tsepamo tsa matlole le mebaraka ya ditlhiswa le ditirelo tsa diCSO
- Go diragatsa dikgokagano tsa ditšhono tsa tsepamo tsa selegae, porofense, bosetšhaba le tsa boditšhaba
- Go thusa le go dira gore diCSO di fitlhelele ditšhono tse di supilweng tsa matlole le mebaraka
- Tiragatso ya go tlholwa ga dikgokagano tsa selegae, porofense le tsa bosetšhaba tsa diCSO tse di nang le dikgatlhegelo le maikaelelo a a tshwanang.

DITLHOTLHOMISO

Lenaneo le le tsepile go dira ditlhotlhomiso le ditshekatsheko tse di tlhotlheletsang morero wa tlhabololo wa bosetšhaba. Godimo ga moo, lenaneo le le tlhola serala sa dingangisano le ditherisano magareng ga ditheo tsa puso, lekala la poraefete le lekala la diCSO mo mererong e e amanang le dipholisi tsa tlhabololo tsa bosetšhaba.

Lenaneo la ditlhotlhomiso gape le tthagisa diphasalatso tse di ka ga mekgwa e e botoka ya go rotloetsa kabelano ya dithuto le maitsholo a a siameng mo lekaleng la tlhabololo ya loago. Tse di mo popegong ya:

- Tshekatsheko ya Dikgetse tse di tlamelang ka tshedimosetso e e ka ga go tokafatsa go tsenngwa tirisong ga mananeo a NDA a ditsereganyo go diCSO
- Ditlamelo tsa Dipholisi di diriswa go tlhotlheletsa dingangisano le ditherisano ka ga pholisi ya tlhabololo e e amang lekala la diCSO
- Dipegelo tsa Ditlhotlhomiso tse di tlhotlheletsang mananeo a thulaganyo, go tsenya tirisong le itlhamelo ya tlhabololo mo lekaleng la diCSO
- Dipegelo tsa tshekatsheko ya porojeke le mananeo a a diragadiwang ke NDA.